



06. november 2018

UKA2018/43

Ujaqqanik pinnerasaasionermik ingerlatsisut misilittagaannik ilanngussisumik nassuiaammik, inuussutissarsionermik ingerlatereersut akornanni, aallartitsisussani kiisalu annikitsumik aatsitasarsionermik akuersissutinik piginnittut nalilinnik annertunerusumik kaaviiartitsinissamut suli-suminnillu amerlisaanissamut aaqqissuussaannikkut aammalu inatsisitigut aporfissat suunerannik kingusinnerpaamik UKA2019-imi Naalakkersuisut saqqummiussinissaat pillugu Inatsisartunut aalajangiiffigisassatut siunnersuut. Aporfittut suussusersineqartut qanoq ililluni piujunnaartinnissaannut sapinngisamilluunniit aporfiit annikinnerpaamiitinnissaannut siunnersuummik nassuiaat imaqassaaq.

(Aleqa Hammond, Nunatta Qitornai)

Aqqaluaq B Egede IA-meersoq Naalakkersuisut peqquai Kulusummi, Kangerlussuarmi aammalu Narsarsuarmi allatuulli kallerup inneranut imermullu akit assigalugit aaqqiinissaanik.

Naalakkersuinikkut ingerlatsinermi isumaqarpugut pingaaruteqarluinnartuusoq nunaqqatit sumiik-kaluartulluunniit naligiimmik isummersorfigineqarlutillu aammalu akitigut atugassaqartinneqassasut – sumi najugaqaraluarpataluunniit. Nunatut tamanna pisussaaffigaarput aammalu atuut-tussaattillugu.

Akit assigiimmik aaqqissuunneqaqqinnerani peqataatinneqarsimangitsut aaqqitassaasut eqqum-maariffigineqarpoq aammalu namminersorerullutik oqartussat nukissiorfiit aningaasartuuteqar-nerunissaanut tunngasutigut naalakkersuisut isummersuuteqarsimasoq malunnarpoq, tamannalu pissusissamisoorpoq.

Inuussutissarsiortuungaanni, nunaqarfimmiuungaanni, namminersortuungaanni imaluunniit innut-tatut pilersueqataangaanni akit sumiiffinni appasinnerusut isigitillugit naapertuilluanninnermik misigineqartussaasut atugassaqarnerlu ilungersortunut assorsuaq nukillalaarnassooq. Akit unammillernermi atuutsinniakkat allani atuutsinneqartut nunaqarfigisami atuutsinneqanngitsut, pisortanit aaliangerneqartartut assut naapertuilluanninnerunermik atugassaqartitsisut takusin-naavagut. Uani akissuteqaateqarnitsigut oqanngilagut tamarmik tapiissutaannarnik atugassaqarnis-saannik, kisiannili nunatut aaqqissuussinitsinni politikikkut aaliangersaanitsinni naapertuilluarne-rusumik tunngaveqartumik aaqqissuussissaagut uanilu siunnersuuteqartoq isumaqatigaarput assi-giimmik akeqartitsineq atuutsinneqartussaamera aaliangersimangaanni taava tamanut aamma aki-nik assigiittussaasutut timitalerneqartariaqarpoq.

Aningaasartuuteqarnerulernissaq eqqarsaatigalugu mittarfinni pineqartuni ilaasut akitsuutaaniit aaneqartartussatut naalakkersuisut akissuteqaateqarnerni taaneqarpoq, taamaasilluni ullumikkut

Nunatta Qitornai

Inatsisartuni



timmisartuni sullitat kisimik atuinerannik akileeqataasuusut. Aningaasartuutissat matussuserniarlutik qulakkeerneqartariaqarpoq siunnersuut ataatsimiititaliamiit eqqummaariffiqineqartariaqarpoq isumaliutissiissusiornermi aningaasanut inatsit aqputigalugu aningaasartuuteqarnerulernissaq matussuserneqassasoq akitsuutillu taakkunani pineqartuni annertusiartorsinnaaneratt pinngitsoortillugu.

Taamatut siunnersuuteqartup saqqummiussaanut ilaliilluta akissuteqarpoq siunnersuullu ataatsimiititaliamut innersuullutigu.